

黃

文


音

集



序

善南昌黎大道得



而後傳供奉一豪吟依陽

冰而益重古人腐毫作賦

幾至忘年一以取遠成詩寄

為廢食而不遇表章遂
多湮沒揚子雲之著述
徒付醬瓿鮑明遠之文章
長嗟蕭艾古今同慨可勝
道哉余稚齒更書髻齒負

爰綴幡道上早見甘公
避雨林中曾逢郭泰蓋
於語溪官舍得見玄龍黃
先生焉先生長爪通者有
同昌谷千彙草狀絕如少

陵偶停纒嶺之車一暫駐
臨印之駕維時余由父堂
上鳴琴先大夫山中命履
松圓處士傾蓋車游檀園
高賢臨闕召度并入西

園之庭同銜北海之觴而
先生每聽狂歌偏知孝沈
時來染翰獨愛羊一飲曾幾
經時俄成隔世芸瓜何處
長懷風樹之嗟叩策空歸

但積山止之淚典型凋謝
心賞都非而先生不從舉
羽以登臺凌效魯連之蹈
海之經零以落誰訪楊亭
黃石淒涼難存澤地茲值

茲博之解綬道來梓里
以停車而內拜于升先
生授此一編俾之重訂言
尋舊說無忘易簣之辰為
廣遺書不憚壽梨之役

如斯古道之示來茲至
先生之深思寒暑霞朗懷擬
月河梁贈蒼李都尉賦
比鴛鴦文酒縱橫補正平
詞高鸚鵡醴蘭湘蕙入字

俱香火繭冰絲裝書印錦
篋中斷簡皆成安石之
金生上微談以奪玉戒之磨
使其得逢李洞應教佛
事闍仙若令獲遇庭堅定

欲求名大雅者矣嗟乎
茂陵已往還傳司馬遺文
徐國重過不愧延陵挂劍
是刻也非直垂久於吟壇
實用隱禪於世教也孝

康熙歲在癸丑季春之月
豐南吳綺題於竹西之
鷗岑館



黃立龍先生詩集

新安黃
弟俱于升訂
立龍著

五言古

汎郎川出南碕湖

遊雲山作

霽旭散晨陰積潦起春漲挂席橫中流擊楫發高唱
曲岸多紆迴嘉林遞呈望泱泱平湖開流觀信衍漾
蒲楊相映蔚雲波共浮蕩頰鱗弄柔藻素鷗狎輕浪
披襟延緒颺縱睇領遙嶂浩漭滌滌沈恹偃仰愜昭曠

探雲山洞

靈竇啓混沌陰崖鬱穹窿瓊堂旣中敞璇闕復旁通
怪壁四哈呀萬象呈天工列炬燿金膏流光爛燭龍
嶙峋竦瑤柱的皪垂芙蓉淵淵鼉鼓鳴磬砧發神鐘
疇謂當絕地曠然豁天宮抵壁若已阻丹房忽瓊瓏
玉局儼堪奕芝田洵可饗骨非嵇生劣石液儻能逢
登絕頂望大小南碕固成石白四湖

廻堙久盤礴矯足躡層顛重湖面面開四滙澹澄鮮
鏡沼鬱相羅環瀛儼若連岵峩起崇阿蜿蜒飲中川
右瞰浴西曜左睇印東蟾瀟漭泝物外觀滌蕩區中緣
吾本陸沈人臨流裳可褰

惜時篇

春陽悅羣卉朱華被芳榭良時非久淹榮盛理必謝
佳人捐古歡一往不復駕念之奮欲飛羽翼未可借
安得懷夢草容光接中夜

秋夜集潘氏庄

涼飈被廣野禾黍拂原疇遙岑羅參差飛雲澹悠悠
念我同門友驅馬來相求攜手臨前池開尊列園羞

黃文音詩集
慷慨發高倡英詞照千秋頽陽雖西匿圓景旋東浮
皎皎揚素輝娟娟澄流泠泠灌木音可以當清謳
嘉會良不易矧茲同聲儔蕩滌開心懷坐令蠲百憂
山寺和蘓韻
風落松中泉月照松中寺石門清未眠溪苔印芒屨
幽人隱更深更入深松去

賦得羅漢級雙瀑爲壽

砂崖插漢懸白龍漚其下割取半天河雙虹向空寫
板松拾級登滿面瀑花灑巖泉幻奇態華藏出蘭若
佛地寧有階五百名亦假是爲壽者相非取亦非舍
挹此三昧流爲君稱壽竿

羅頴樓贈別呂樂師

會合良有時把臂苦不早相對無世情如我與君少
鳳足擾浮雲鷄棲安足道茲懷齊所向肝膽遂傾倒
神締言可忘禮濶意自好山水有勝緣累月恣幽討
所至四座驚縱橫振竒藻安能復乖離獨使形骸稿
岐路未有涯長心空浩浩黃鵠摩天姿羽翮偃荒草
志士憐景光千秋君自保寧渝金石盟白首負深抱

黃文龍詩集
三
睠此丘壑居可以共君老

坐客言楊孟公事事似子雲因述客語勸孟公

飲

孟公恬寂士無乃子雲後眼中識竒字亦復好飲酒
故人載酒過一歡輒盡斗清言能解頤乃獨不吃口
鴟夷聊取醉矻矻竟何有千載謝桓生玄經終覆瓿

潘景升丈客病金壇見寄卽韻奉答

出山歲忽周還山歲復半與與故人逢相睽若河漢
嚴霜旣傷離青陽亦興惋旋膏石門車憂病迷昏且

緬懷塵外客忽墮雲中翰曠日蒞深盟斯言亮非謾
游子裝易輕千金不足散曠士捐跼情八絃垂達觀
聊同枚生發起子東方玩爲我勉加飧掀髯時一粲
集酌飛雨樓同潘景升林羽中呂樂師程尙之

楊貞一洪亮卿凌成甫吳正子分得陂字

羣峭倚虛閣千薨帶修陂詎知市中囂山川乃具茲
况復締新歡攜手慰我思衆壑雜晴雨紫翠無定姿
會心豈在多神往遂忘疲喧寂各爲趣畱去非膠期
飛雲有時停投轄良亦宜胡爲日跼跼而令達者嗤

交態苟不疎其餘安所知

遊城陽山分得十五咸代金陵陳夜舒

豈辭羅襪微履此曲磴巉靈境愜所攀羣美忻來咸
天風何寥寥清響棲松杉琪葩儼相媚髮影華池涵
俯視澄江流千峯送遙帆芙蓉片片青上我輕綃衫
願以掌上軀乘雲飛碧巖誰謂天台人情深遂爲凡

西南山

結屋西南山衆峭環爲壁已忻此境幽稍深崖更僻
不知深幾許嶺岼斷狼跡我本探竒人寧蘿信所歷
層峯幾千轉但有白雲積漸覺巖頭青飛來向人滴
夙意在獨往况茲巖洞寂離羣未足悽好者方爲適
逝將嘯此區長松挂雙屐

生日

半生窮一經廿載不得志本非肉食資謬作屠龍技
秋風鬢欲白壯心竟安寄頗結霞外悰神山邈難致
不如一杯酒萬念皆可置所以張季鷹千秋稱解事

秋過潘庄同汪充甫爾占濮陽英伯潘開美漢

美兒子長生夜泛曲河兼有中秋之約賦得

黃文龍詩集
十二韻

槐館橫長川日落潮初壯蕭風搖荇絲新月翻微浪
野航不知主狂客來相盪菱芡近人香俯摘消山釀
曲陂非一折青柯巧相障賞心寧在遠水木生幽况
低樹籠寒燈棲禽和清唱綠酒隨意竭喧默懷各暢
誰知澹宕心獨在秋空上橋頭波瀲灩星光亂歸桡
明月有時圓脩竹故無恙餘歡但勿盡輕舟可重放

馬砦

孤樹綴危峭層岑蔽囂市不謂車馬途而闢幽勝陟

疎雨展林翠微陽効巒紫壁裂厓欲傾石攢溜逾駛
延曠得寥觀俯澄悟靜止一往有深致嘯賞暮難已

隱園訪十岳山人故居

昔聞巢雪居今訪王潭澳脩蘿裊石壇于焉碩人軸
青羊蹲怪石佛面綉古竹高風不可見松下尙謾謾

飯牛

曄曄東隅星矯矯中庭幹日夕田作罷束芻視牛飯
仰看浮雲馳意每在霄漢豈不思乘時嗟哉歲復晏
白石可使爛永夜何由旦

黃文龍詩集
六
答松月

明月客我牀兼攜半松入河漢亦臨窻欲濺裳衣濕
白日苦歎炎流颺今習習慚非佳主人來宵復來集
谿雲
潭上秋雲生流光汎沈綠翔林偶呈態歸岫似託宿
聚散彼何心悠哉達人目

石澗

寒泉噴裂石激峽如哀琴飛光泫華薄結黛搖危岑
一勺可自鑑彌澄靜者心

風松

靡靡礪松沸厖厖海潮起谷邃響益奔颺霽籟不已
而我胡寂然能圓居士耳

雜詩

躁士無遐心翻厭萬里跼寧知一席地卽展八荒躅
趨炫徒營營耽寂亦蹙蹙乃有消搖人一覽千古足

雜詩

靈卉每孤秀叢薈非珍木秉懷良獨貞沕僻豈所惡
彼哉菴與蕭葳葳紛在陸朱蘭吐春蕤含芬媚幽谷

而彼寥芳人臨岐空躑躅

雜詩

高樹苦多風衆競安其卑寧知嶺頭柏千尺蒼巍巍
上施蔦與蘿下蔭輪困芝其質苟貞堅寒飈諒難移
蘭蒞豈不馨終隨霜露萎

遊子篇

遊子還無家不如遠行客行客雖苦辛舉足萬里適
黃鵠橫四海豈戀荆與榛但得客遊樂豈問富與貧

夜酌

明月滿秋山白雲挂高柳百事不關心一尊况當手
借問里中兒我酌君共否偶值不須辭能酣卽吾友
何必劉公榮然後與飲酒人各適其真吾爾復何有

過訪張松如仲華山庄

風淒客袂薄日落墟煙冷不見高士居青松幾株靜
到門無犬聲搖堦但花影茅垣纔及肩不碍松外嶺
身閒寧逐物性得遂忘境牀上書千帙可以緡日永
勿問千秋名取適在俄頃清宵譚未足脩燭堪再秉
明發我當辭幽情君自領花時倘相憶游策還能整

桃源洞天訪宗人黃無心

花宮麗以淨崑翠空如積白日闐無人
閑猿嘯蘿石石畔松壇深靜者
愴方適焚香藉瑤草不履亦不憤
其心游虛空對之機自息觀有轉
覺煩忘形乃爲得相顧無多言
塵棕忽如滌風吹松子落洞
暝寒雲寂一笑與君辭天門
月輪碧

冬日建平送別汪爾占四章

廿載爲兄弟義與骨肉并豈伊
切劘時意苦情靡貞黃鳥有
遺音神聽終和平

上策不見收三刑未知辱倘實
抱燕石而取窮途哭片言古心
存交窮氣寧蹙

知音古難再千里來相偕道直
衆或迂高倡時不諧不傷時不
諧傷與知音乖

歸馬鳴蕭蕭寒日照尊酒念劇
淚未申含辛斲攜手崇德夙所
期相將以白首

江行

衆艘集江滸多於江中魚爭利
鬪其捷帆棹相奔趨吾亦操一
艇乘潮泛空廓誰知艇中人心
似雲邊鶴

湘江怨爲汪子建賦

秋雨瀟三湘秋蘭盈九畹奈此湘中人自昔工離怨
脩竹暮陰陰翠袖生微寒長波未可涉望遠涕洟瀾
安得阿郎船一夜渡湘浦辯取竹上痕新淚多於古

浮林上人

春風入龕草疎英澹雲房開士何方來兀然跌石牀
焚梅唱妙法花雨空中颺心將白月靜舌有青蓮香
律嚴緣自輕情冥境亦忘願依不二義無言作津梁

川上呈道友

川上風日好散步當扁舟偶無塵內悵忘機對輕鷗
脩林鬱如障蔭此清河流文魴舞漣漪翠羽傲蘭洲
雖非物外觀意愜境自幽俯仰各有適玄言澹相酬
始知會心處豈必濠梁遊

對酒

何必千秋名但把一杯酒不見林中人啜醢可濡首
青山偶一行白雲挂雙肘吾意本蕭蕭於世復何有

秋思

秋風一蕭颯落葉何紛紛豈無故鄉思滯此吳江濱

鴻鵠厭卑棲高翔辭垢氛吾亦從茲去還山弄白雲

壽張翁

張翁澹宕士雅志在丘壑七貴輕浮雲千金重然諾
遠希東海生片語紛可却高韻凌秋霄俯視卑燕雀
翩然姑射姿膚理何綽約遐年天所綏永以振頑薄
答九嵩子

何來縞衣人出月弄清嘯手把金芙蓉移根自嵩少
植我黃金室芬葩發幽妙味之可當飡素體生霞耀
澹澹滄瀛波霏微擁神嶠玄同夙有期驟鸞偕一笑

翁母輓詞

落木隨清霜蕭蕭廣柳車祖載既有日臨奠空躊躇
嗟此執紼情一哀當路隅丹旄何所指湖山歸舊墟
生成翟弗恩歿有形管書和熊心未泯賢譽託遺孤
立春日同有斐先生箐蓋山尋梅旋登鹿源浮

屠望海

朝曦獻微和陽豔自茲始陰林駁凍雲巖姿盡如喜
行探雪後梅纔芬二三蕊理策鹿源岑浮屠蠹空峙
熹微海白氣茲旦亦成紫隱約金濤中神山玉樓起

豈無羣仙眺對此亦遙指褰裳欲就之把袖弄瑤蘂
割取瀛島霞散入芳洲綺

暑月陪諸丈俾飲娑羅樹底相約賦娑羅園詩
後復偕王山子曹埜臣曹白僧弟引之集樹
底試新釀却補賦

我聞經中言娑羅曰最勝是故稱樹王喬林無敢並
敷條殊周圍挺幹復脩正頂摩虛空雲莫測幾何仞
餘枝出垣東偃作高齋蔭十年方再花繽紛散成陣
布地錦雲香穠芳沒危磴齋中居士棲離囂領幽淨

兼對溪上松峩峩千尺勁一釵拂懸崖直下臨潭鏡
儼然接引手人擬西方聖居士亦逃禪齋心類蘓晉
時招米汁仙開甕夜分罄衆籟雜然陳粼粼和高韻
溪聲入樹聲曾于六月聽

杪秋登古巖妙高臺越澗探月窟小憇中山菴
復陟松胤岡集馮几山社飲共賦三謝體分

得白字

戴有斐元震汪仲邁朱脩能項晉叔
潘景升爾肩郝公琰吳孺乘鮑廉倩

汪夷仲王凝
沖李幼華

達人欣寥觀迅鵠無卑翮豈知羈紲病撫曠霍然釋

攀拳情所便巉仄步未踏岑環面面削谷邃幾紆折
凌高纜一卷攬秀已千疊懸广貯方空剏崖逗圓魄
巖連詭非一虛嵌態屢別延賞方景矚領意已適
不謂香林外岡巒轉縈巖商飈裊錦蘿復乃嵐翠積
松雛亦虬張拏攫追古鬣遙天晃金縹衆巘雜紫碧
迴合萬壑殊顯奧趣各愜空觀境益親习歷神始澈
矧茲泉石儔共負烟霞癖命酒酌幽勝高詠觥累百
誰能遽言疲澄霄月初白

恣閣

爲丁貞
白賦

休夏到君閣單絺有秋思綠陰埋繩床驕陽若相避
齋居不盈畝曲折饒幽致竹石何蕭疎天風響空吹
清池一勺波半壁琉璃吠繙經有餘閑嗒然據梧窠
塵籟寂不喧焉知任城市心境兩無涉是名爲自恣
一閣貯幻軀聊以寄所寄請作迦葉觀觀空印真諦
冬日同王于凡許信孺成孺敬仲弟于升僧曉
光登水西十寺西峯頂分得若字

當峯一塔微環峯十刹古千巖鬧夕恣百堞淨烟浦
日寒杉影瘦霜泐石稜苦山雲自悠然來者適爲主

與子欲論心松風代吾語

又代曉光得或字

十載搜雲根茅蓋西風側峯頭馴虎迎孤攀亦時或
千山招勝客日暮復同陟巒壑澄霜姿眉間翠光逼
山與看山人冥對兩俱適

五明寺同謝耳伯汪爾占王于凡郝子荆公琰

坐雨兼送西吾上人還南屏

宿有伊蒲緣每借淨侶席春山解畱人一雨淹五夕
啜水野梅香巖蔬剪雲碧松泉作梵語清聽夜轉適

朝來探禹梁嵐霧走衣幘錢塘有歸舟片帆如鳥白
到時能相憶爲掃松際石一衲倘可分與子緝蘿薜

避客

有閣出石隙攢松當牖列嶙嶙十數峯歷歷翠可擷
縱步不盈百水石便幽絕山空雲意間林僻鳥聲悅
門緣眺望啓供爲苾芻設庭蒿没人脰不使有俗轍
豈惟嬾性便兼以藏予拙市子多夸毗對面非所屑
去矣勿復言吾安吾蹇劣

抵雲山寺

佳巖曜陽林餘霞映幽谿谿迴磴亦折巖深石屢危
精藍倚曾阿芳樹臨清漪丹葩吐奇艷翠苞媚新姿
意適境自親累遣情逾怡華林有遺言會心良在茲

金沙道中

青陽敷翠秀川草忽已舊客子無停輪
麟麟越鄉縣園禽欣所棲我獨未知倦
雅俗雖殊營出門體俱賤一日腸九結
歡怡何由見感此逢春株揚芬無擇甸
芳榮如有託一丘安足戀天上可寄愁
埋憂於八埏枯條有時紅白髮亦終變
不妨滋花雨吹潤行人面

西堤

囂市寄孤踪耳寂似無響朝來雨雪深
坐看窓蘿長行散出東林江月忽已上
世路不妨人虛懷自堪往

白頭吟

旦旦歲暮約恹恹如朝饑百年倏易盡
寧復能爭違與君爲形影動體常相依
春鴻豈無媒來去自有期願作白翎雀
寒暑無南飛

騎虎行

昔有王先生開山種黃精嘯踞巖石上
羣虎來爲耕

耕罷跨虎行見者驚而走先生拊掌笑狎之若家狗
但除怖畏心獰獸彈其耳翻笑橫目人眈眈日相視
爪吻雖不張意乃憐於虎汝獨不知駭而與僕虎處
燕子磯送劉冲倩同劉九達王叔聞侄上珍
峭石攢目秀洪濤蕩胸濶別懷鬱以悽對此悵離索
燒燭淹夜譚艤舟促晨發帆影入空懸飛思隨雲沒
心期倘未疎相望共江月

夜舒荷

戢彩避炎曦舒顏飲華露朝榮非所期明月良可晤

况君愛清夜輕橈屢延顧願締秉燭歡移盼凌波步
見蓮倘分明傾情 暮

賦得山林隱遁棲爲中山徐公子

於心懷獨棲况乃泉石好一與華銜櫻悔不避俗早
避俗非遙岑心曠卽山深

西園水木繁島嶼足扳躡掩關支一筇遂與幽性愜
三徑有時開不妨高士轍

華胄多歡場誰能慕寥寂公子情獨遠而耽丘壑癖
但存高隱心一往有真適

高唱入秋籟明鏡麗層軒接席寡俗趣出門悲市喧
回首靜者居晤對永弗諼

幻影閣別劉九達郭聖僕潘訥叔汪建隆崔媽

然

寒雨已蕭蕭遠別益惻惻上書數報罷安取九萬息
重以長客貧行裝黯無色交情競新貴對面如不識
美人敦舊好尊酒獨相卽醉語轉寥曠破我愁胸臆
古道良未衰窮途意亦得眷此兄弟歡誰言兒女憶
一別如雨散聚日難預剋願保千金軀相憶加餐食

秋日過訪胡彭舉齋頭看小九華石賦贈

城西地雖偏不奈問巷俗青蘿裹竹扉忽得幽人屋
到來無餘聲梧篁響相續無乃柴桑翁空齋數枝菊
片石縮九華蠻壑儘紆複峯峯巧剗削懸泉瀉雙玉
當其攢峭處磷磷碧蓮簇以之當臥遊更親於畫幅
陰森嵐欲飛細聽有風瀑主人况高韻千尺松謾謾
我亦欲移床就君齋裏宿

壽三兄

冶城嘉樹林樹杪樓百尺衆山挾佳氣往往排牕入

主人有餘閒攤書盈四壁雅爲六經師兼學萬人敵
豪客日經過不斷車馬跡譚劍傲八埏飛觥傾一石
斂其千里志幽情寄蘿薜何必栖立立無搖神自適
何必歸空空無礙心自寂以斯六十年不異壯時力
世具壽者相君復挺俠骨猿鶴有深緣優哉保天逸
且置酒如澠與君醉十日

夏日冷泉亭避暑遂訪遽然上人

同吳吳之吳
去塵坐礪西

包庄
鎮日

寶樹七重陰驕炎那得至飛巖復瓊瓏衆竅生幽吹

彌天無二光一碧琉璃吠遂使經行人神骨亦空翠
水游梁棟間魚戲虛明際泉聲如演說泠泠開淨慧
止止勿復言領此清涼偈

經云兜率陀天
水游梁棟間

題過雲庄得羊字

鄰仙以爲庄宛在雲中央井液未改丹釜氣尙餘黃
犁石遂成畝疏泉宿春糧采勝扶嵐輿揮塵雨花香
脯擘琅玕青杯承沈瀝漿雞犬有傲色卉草皆琪光
蹲溪石蒼蒼重來驅作羊

蒼鮑畹滋過訪次韻

入春花事遲
閉眠每將午
思君庭上好
樹石似幽塢
但報一花開
獨尋不皇侶
非此巖洞邊
定少着足所
小亭藏石隙
對坐無俗語
偶當花潤時
不嫌雙屐雨
城中多熱客
高韻可誰與
倘欲結清緣
懸知肯相許

戲擬反襍穢詩

伏暑訪友夜歸
作似同社諸子

襍穢夫何爲
熱行古所嗤
况與長者偕
驅車將何之
良朋締新盟
登堂詎當遲
主人高韻人
刺入衣已披
冰爪慰炎暍
選樹陳樽彝
解絺搭垂蘿
散髮蠲苛儀

疏樾延好風
稠條礙翔曦
文章繡作砌
石古苔紋滋
同社兩三豪
橫牋裁綺詞
觴靜禽語恬
塵閒僮色怡
返照怯深入
西窻無熱時
玉酣畏客起
懸燈以樛枝
風潭維小航
月出尅還期
流光纓可濯
素魄盈手持
歸語舍中兒
視我涼月絺
過從苟若斯
觸暑良亦宜
襍穢未可嗤
但問過從誰

鼎閣酬孫君承

探山必探深
乃得盡竒致
天都之董狐
有君黃海記
十年欽高蹤
竹中欣把臂
豈惟山水盟
識君湖海氣

矯足不踏俗仰眼輕濁世煩將霹靂手細鑿鬼神閼
雲頂躡空光雪罅鏤古翠亦知吾與君宜於丘壑置
五岳尙可期次第驟霞轡

步韻荅程坤輿先生見贈

靡風淪大雅安問作者雄丈人獨標真矯矯文中龍
時以十斗酒澆此磊砢胸世情任波翻性達誰能窮
坦懷遵古途曲徑非所從矚遠步寧跼識曠塵自空
不朽有令圖毋工時所工

春日過宿鼎閣依韻荅許信孺見贈

春韶不改艷世變乃紛翻不忍玩時物芳朝常掩門
吾友溫然姿就之如就暄澹對或竟日意盡辭不煩
感時豈無憂善畫非所存肉食能遠謀野人毋妄言
但安沮溺分犁鋤道亦尊

對客

出門行若何十步枳其九不如驅車還閒閒于十畝
三嘆登君堂坐皆豪貴友上客無求多小人工鼓缶
豈無要津人咸嗟掣吾肘脩途諒難臻仄徑寧敢取
旦旦平生要終竟亦相負對客未可言開唇但飲酒

冬日汪爾占許信孺過宿羅穎樓十日見贈却

荅 用信孺韻

寒雨滌巖骨古蒼攢屋頭勝客稱絕竒石閣因卧留
君居丘壑佳矜此險而幽林風吟遙泉茗以酬客謳
踏嶺澗聲活下閣松光浮軒雲烹澗毛甘飽靜者羞
存茲一往情山盟以同悠

次日同爾占信孺王于凡鮑爾璞入石澗遂過

一樹庵 用信孺韻

片閣踞荒嶺所愜環竒岑畧折境便殊旋入崖逾森

峽束泉脉瘦磴巉霜瀑深鳴鑊得迴蹊激逗魚梵音
禪榻嵌裂石虎藜幻香林對峙嶺閣松蒼嵐鬱相臨
華髮布其間彌澄雲卧襟

次日同爾占信孺于凡爾璞吳安竟登黃羅絕

頂 用信孺韻

卜鄰卜名山仰止其孤高一碧刺天半諸峯寧敢豪
歷歷城落分風壑無定號百折辯水脉陰晴變陵坳
遙空琉璃光江帆晃金濤咄哉窄堵波三五標神皋
黃白二帝間相望以遊遨

羅穎樓送爾占信孺因約過華屏鼎閣用信孺韻
 何哉十日中所觸無凡趣陟巘延逖觀搜谷快深步
 燭底箭鋒機花光夜空雨泉石非無言見聞生妙悟
 名人山水間三者成良聚君歸竹堂幽琅玕照毫素
 我來何所攜嶺上籠雲度

嶺上苔亮卿病中坐雨見懷

嶺烟方可耕飯牛趁農作積雨波沈田枕書臥空閣
 書癡良自誤莫更累牛角一抱山中雲匿影畏城郭
 君居美泉石蘿樹密成幄掩扉弄水墨在市殊不惡
 現前境自寬勿受妄塵縛幻破神乃全年延病兼却
 但令道力堅不憤世情薄鴻飛亦冥冥達人故落落
 默然大室中請示維摩藥

溪館示客

青磎半畝宮四垣垂薜荔雪淪火前茶花叅禪裏醉
 雙猿窺睡餘一峯落着際殊無俗物來不作墻東避
 夜雨畢公著陳敬豫漢翼汪文岫集東閣草堂

共用
東字

急雨遂埋巷鄰扉屐難通小淹喜客好清言畏尊空

有約夜還集茲懷殊未窮更於山霽日斲蟹就籬東
過斐園用陳睂公韻贈公起

園存瀟散姿不恃春來冶坐擁一樓書千載以上下
託交天下士寧復悠悠者泠泠脩竹中一笑臂堪把
搖筆夫何如東溟碧濤灑

社集張膺之一樓分賦邑中名山得披雲峯用

君字同畢撫之閔士行王于凡畢公著畢貞

吉楊孟公余鵬先高履中汪峻民黃孟明賦

西峯古禪人顯化江之濱遂使一峯頂不與諸山羣

嶙峋碧蓮攢雜沓巖姿分飛梁飲空翠倒壁翻江紋
裂石出靈泉洒令塵界芬橫笛呼雨工巡崖勅山君
毛端剌剌現華鬢衆香聞松釵笠可挂幽託吾所欣
束身如獨鶴聽梵夜巢雲

方若淵若繩吳無著駕舫潁曲見邀返泊大溪
觀漲夜坐橋亭聽雨同賦

不嫌春雨深水樹能俱綠枯灣亦弄波柔篙恣迴曲
但將同韻人翻令市非俗

緣源皆飛樓通樓皆飛梁遂使山市舫疑蕩苔水鄉

羸他市市峯隨橈墮烟妝

驚聞出港瀨奔流艷如織長林滋新條與波不分碧
兼迴欲雨山盈船綠光滴

返棹愜清賞橋閣淹宵淨急雨敵雄言不殊篷眠聽
瓶花笑可拈當機亦相應

午日開法禪堂與圖南宗侯賦共用乘字

豈以一丸地駐此千秋朋雄章洵鉅觀隻語無下乘
况甘丘壑棲朱屋人詎能五絲締新盟把手歡未勝
剪蒲蔭嘉桑快論蠲煩蒸石門吾夙期山居爾昔曾

共有雲蘿緣蘭契理自應傳聲白社侶莫寒白業燈
不久探巖泉來爲瀑下僧君先躡磻口爲我栽青藤
燈後雪夜社集李公起園兒廣得鹽字

海東先見春良夜花月兼千燈燃春光不使魚龍潛
俄驚火城輝幻作銀海瞻瑤葩紛綺廣積素照花擔
宗公發高倡鬪題許同拈一爲白雪歌流響夜厭厭
深慚謝家兒徒詠空中鹽

重陽後一日集飛來山房限五言古得昨字

負郭卽深山吟嘯專一壑時拓文字飲勝事日相畧

不令茶臼間石鼎松泉淪天空雲日淨衆岫明于濯
登高屐初疲萸香尚沾爵來就籬邊枝丹林繡相錯
雖非吹帽風賞心不殊昨更卜清夜歡立言雜佳謔
山齋工法釀觴政無嫌虐霜月澹人神酣情寄寥廓
暮春如武林畢搗之餞送飛來山房分得在字
薄雨浣新林柔光淨如黛野徑兩三花輕言爭自賣
山山出層陰蒼綠紛成繪會心良以時豈必春常在
西泠有夙期堤柳遙相待君能飛片帆湖光儘堪載
十里烟條中聽鶯殊一快

秋日史社集西清館觀蓮移席飲光臺待月賦
得五言古體同畢中丞孟侯姚太史永言王
徵君子凡凌孝廉官球楊孟公汪子法畢奮

庸

碧藕濯瑤津香光現清界浮閣如方舟風筵領幽快
音非竹肉奏梧篁叶空籟觴行不以苛雄言稽往載
麟筆堪紹明大雅寧難再天月懸古光閱世紛多槩
岑臺巖以軒登矚起沉晦白榆歷南躔漢影磨纖瑳
靈輝混茫接立英孕河岱庶哉管樂興良猷與時會

淋漓元氣滋流華濯襟帶願貞朗月心不朽于茲在
淨室古銅瓶

帝青非世色長耳無凡相滿中貯虛空千里遠擎餉
夫惟有智人一笑領無讓以是爲軍持人天普供養
立夏前三日集孤山竹閣喜覺浪和尚入社齋
後放舟段橋對月限五言古體共用擘字

古閣竹光深綠篆唐時額旋斲白苗肥頻燒坐來擘
春慵將避人鵬餽不遑夕尚得兩三辰畱紅別齋席
苟未免有情對茲姝脉脉良時皆會心豈緣春始適
新林印綠波兼印山月碧居然無聲詩何煩言韻索
請益不二禪拈春去來跡

清和首日倩生生朝携尊不繫園遲善卷汪郎
不至悵然遠道情不自持同社賦之其次原
韻

雙眉澹如茲不數遠山好輕軀從風移片雲出瑤島
爭傳采珠人羅襪凌香藻堤花羞復妍文鴛亦相惱
佳人誕佳辰芳訕貽芳艸靈波可通辭微瀾滌幽抱
仍畱昨日春肯使鶯愁老水樹萬重陰舊是西陵道

遲歡松石間綠淨無煩掃

冬日吳廸菴邀同潘爾廸探無門洞紫雲洞聽

泉亭諸勝晚棹西泠泛月歸

一翻湖上山百折丘林淨都謝酒人船幽森改觀聽
杖笠携以隨童僕亦生韻巖姿洗寒稜杉影瘦逾勁
隕籜響空林搜泉迷往徑松際但逢僧峯名樵可訊
俗物不當前所竇皆堪敬城居違所好心形今始併
乃知水石間周旋關至性山黃日欲下情愜步偏競
深光費酬接窮攀有遺勝宵歸一葦航湖舟散無剩

清波還其清不復笙歌溷三潭風粼粼悠然兩高印
永期區外歡澄心月相訂

登過雲頂得過字呈有斐先生

但有飛雲來未許飛雲過一氣成混茫如海銀濤簸
欲數遙峯青爲叱重陰破萬片芙蓉光紛然天外墮
俯視盡嶙峋香淨不可唾巨靈營隩區神苞力逾大
乃有俊偉人遵養爲時荷古來超世業功成始高卧
得儀之弟喜逢詩却荅

世有不祥人好爲不祥詆苟不相爲謀立能肆其訾

貧病士時有生死亦常耳智者方達觀何須挂汝齒
譬彼屋上烏所報非世喜雖遭衆共唾啞啞終不已
豈真能爲凶凶禽性自爾聞根倘已圓魔音銷久矣

黃玄龍先生詩集

新安黃
弟俱于升訂
負玄龍著

七言古

送詹無何遊燕

無何年二十游少年場凡擊劍騎射鬪鷄蹋
踰諸技戲靡不習而又白晳美譚笑入白門
白門年少盡領無何不憚去而稱詩工八法
往往達曙不解衣當無何之爲少年技戲卽

諸技戲工也及稱詩臨池又工余所覩士銳
進未有如無何者一旦秣馬佩劍從故人遊
燕中燕固古俠少藪也諸豪貴子喜擊劍騎
射鬪鷄蹋鞠見無何計無不願交無何驪將
無去所爲稱詩臨池更而俠少遊乎使無何
從諸少年踞上坐擁燕姬鳴瑟飲酒寧不愉
快然余知無何誠知所重其不以一時豪舉
易千秋業無疑也無何行矣無令燕中少年
有以物色無何者

詹郎年少埋頭讀墳史恥逐游閑貴公子臨池八法
皆有致稱詩往往窺正始自言曾入少年場寶刀駿
馬黃金裝鸞弓發矢莫敢當酒徒賽飲傾百觥踏歌
連臂趨平康鳴箏醉擁吳姬牀一朝謝去諸少遊日
把萬卷他無求君看俠兒皆浪死惟有辭賦垂千秋
燕中豪家連戚里油壁招搖若流水走狗鬪鷄尚佻
倖楚袖吳歌競華侈總教意氣傾一時齷齪輕肥安
足齒絲筆縱橫聊可娛肯向何門跋朱履吁嗟詹郎
自是千里才臨岐盡酒休徘徊君不見嗟峨百尺黃

金臺千金自致寧馭駘但存踪踐凌風足莫嘆昭王安在哉

練江圖爲胡居士賦

練江江水澄于玉白石清流幾千曲脩樹重陰拂岸幽層巖秀色沈波綠騷人結屋旁江沙釣艇隨鷗泛日斜乘風嘯入滄浪去月棹烟蓑處處家

梨花歌

十里梨花浩如雪十年不見梨花發此日仍携舊酒徒飛觥忽叫花間月梨花寂寂如笑人不見君還已

十春縱使花間日日醉那能日日梨花新年年花發半風雨風雨飄搖半泥土百年身事亦如此南北栖遲若爲苦請看繁花媚眼前一丘一壑堪高眠且將身置玉樹裏花落花開君自憐

醉雨行與呂樂師分賦

山雨蕭蕭雲漠漠飛花萬點山前落杳嶂淋漓勢欲奔濕霧霏微捲孤閣酒徒對此那厭苦千觴百觴不停舉禪和亦自寬酒禁醉裏數數機鋒吐忽有天人散花至寶鬘霞光耀雙臂誰令一曲商調清煙開條

黃文龍詩集
現千峯翠醜顏旣醉亦沈冥蒲筵兀傲不復醒醉譚
往往出天外豈容俗耳來相聽樓前或有俗士到箕
踞莫放雙眼青

贈吳元直

吳郎八尺瑰麗軀岸坐軒軒若霞舉見者驚謂金馬
客問之乃復仍蠖處酒酣往往曼聲嘯促刺窮愁坐
相吊半語相憐忽意得慷慨仰天發狂叫感君一片
牢騷意媿我干時不解事北闕上書數報罷毛錐禿
盡貂全做流水飛雲信所之卧龍躍馬終何異吁嗟
吳郎對酒歌且舞君不見廟堂千尺梗楠樹當其埋
質巨壑時白晝陰森泣風雨

答汪翁

昔賢一命駕千里便相卽肯使綢繆心躊躅託空憶
揚之水邊高士家十年不到愁情賒遠道題詩忽來
寄詫我萬樹春桃花知翁賸有牀頭酒片片春紅况
當牖對之聊足以自娛于狂生乎復何有伯子我師
叔我兄翁亦時時呼小友老去猶能念素交問余花
發重來不二月紅芳色相射芒鞋便踏溪光碧我至

唯餐枝上霞翁其却掃林間席休問三千着一花且
拚二參醉一石人生同調貴同歡莫教長想仍長隔
不獨翁嗟頭似霜黃生亦自髯如戟

往聞邑中有呂先生及與樂師訂弟兄盟乃知
先生樂師父先生方市隱淮陰然余聞于樂
師其賣藥似隱飲酒似達諧給似慢世數者
不知先生何居然而其神逸矣乃復有子爲
樂師而樂師亦放志詭時於世途或起或躓
先生不問也可以觀先生矣丙午八月先生

初度因以七言古詩爲壽

淮雲瑟瑟河瀾瀾淮南古來多隱士恠底天都逃名
人翻來賣藥淮陰市服食輪囷徑尺芝造化婉轉方
寸七齷齪千金胡爲者浮沈一世聊爾耳但使滑稽
皆寓言何嘗酪酏無至理功名且付兒子手得失不
挂先生齒以斯五十神轉王肌膚婢約鬚仍紫嗟乎
乃知四十九年非亦是

賦得三豔歌同顧朗哉吳兆允臧晉叔吳翁晉
潘景升呂樂師分得綃許醉三字

霜蟾泣露寒影飄桂屏斜開青鳥邀九微燿燿懸遲
客桐風蘭氣吹飛綃玉釵光濕冰壺裂鬟羞目語神
相挑粲者盈盈十三五一歌一絃一楚舞百態畱春
春欲回三珠照夜夜如午急管叫雲袖拂地嚴霜倒
飛月東墜板橋波踏瑤光破莎路落鈿凋羽翠三花
燁燁常畱艷千夜沈沈豈辭醉只愁天鷄曙號海輪
舉三青鳥啣三花去仙夢微茫覓何許

花朝前一日賦得飛樓樓短歌贈金陵陳夜舒
同吳左千潘景升汪爾占王于凡汪震甫方

季康分得臆字

時左千以洞簫合曲

樓上落梅風颺颺水光入樓作雲色翠袖籠寒熨玉
爐柳葉含黃舒尚澁豔曲輕和紫玉簫秦淮美人淚
沾臆臨波吹出桃葉詞喚作秦淮波也得莫向春陽
怨春淺江路繁英似京國寄語明朝花信風鳳管催
花助風力

黃白山歌贈潘景升

新都之山黃與白峻削璚瓏自天擘不知何山吐精
靈乃有髯公軼羣客兩足落地唯探勝隻眼凌空覺

世窄俠骨豈令交態疎高韻不受塵情迫但說辭章
有神會千言一揮無苦索嘉隆之際二三子三吳王
汪楚吳李縱橫其間獨有君能使諸公倒其屣餘子
偏長各自雄語及髯公皆咋指於今前輩零如雨詞
林之幟唯君豎名聞到處坐俱驚語出何人毫不腐
年纔五十多餘日著書藏之盈石室歸來搦管神益
壯欲譜名山在紙上篋裏山靈時嘯呼筆底巖巒亦
搖蕩吾聞海外有五嶽仙都靈窟皆奇嶸待君草就
寰中志獨騎玄鶴翔寥廓盡攬神山到眼中寫入虛

無藏廣莫

南城七松底與潘穉春飲賦得七言短歌

禹梁淵中古龍化作怪松撐白日蒼鱗天矯尊前
舞青天勢欲行風雨劃然一嘯春雲開波光如綺明
樓臺丹剝參差百花礙綠樹雜沓千巖碎江霞霏霏
花冥冥一醉十日不願醒無那東風吹日落松陰瑟
瑟翠濤作七松倘復爲龍飛吾其乘之探紫微

南山篇許信孺招遊城陽山謁許真人祠分賦
得十一真

黃文龍詩集
可怪昔人慕遠遊海嶠萬里探玄真何如南山近當
戶矯足便與僊窟隣複嶺蘿榮儘紆沓劓厓石裂俱
嶙峋飛烟落照半浮颺青丘萬點如波蘋芙蓉倚空
翠欲墮五鷄漂練光粼粼峯頭鸞鶴杳難接壑中猿
虎猶堪馴砂池篆腹潛怪鱗靈陂綠葦畱殘薪不知
何山赤雲起風傳笙節來逡巡主人自是僊翁孫分
霞幻作丹宮新芝房窈窕絕世塵雲間折簡招其倫
枕中鴻寶尚未秘蝌文玉訣皆可循金牀伏火煮瑤
草琅璈奏出銖衣人更乞擔頭舊沽酒與爾共駐千

年春

遊石岫山歸途遇雨

石岫之山俯龍閣蒼雲潏潏連岑薄西潭日射返景
懸金光欲閃芙蓉落絕壁誰開一片鐵千尺峻峻倚
寥廓攢石翔空各有態劓聳定自神工削老枯翳臺
白晝靜黑蘿裊裊垂冰井人言窟底有靈物五月獨
照脊鬚冷須臾寒氣翻高樹殿角濛濛挂雲霧榛莽
無愁羆虎嘯風雷秣恐蛟龍怒山底猶驚白日驕馬
頭霏雨忽蕭蕭回看雲日半吐滅鐵壁浮空影尚搖

田家

殘月照樹布穀啼農人出畊行負犁松塢陰陰日將
落跨牛獨歸歌扣角

嶺上荅客

松嶺千秋飛瀑雪可與人間洗忙熱鄉里小兒弄伎
倆野夫雙眼秋雲上世途日日愁風波波中麴睡奈
我何

呼龍引

五月一雨不見日高田麥爛沙沒膝六月赤日天無

雲陂塘掌圻禾如焚可憐轉眼水旱繼野農束手饑
欲斃百里擊鼓呼龍君潭深穩睡龍不聞只愁日烈
潭可涸蛟龍無宮亦安託

嵩高歌壽謝翁

翁先大父執友謝少連丈兄也八十誕辰少
連丈命作嵩高歌贈之

昔聞嶽降生申甫嵩室神光有時吐盤礴精靈隨所
受或爲國禎或黃耆先生家本黃山麓僊姿乃自嵩
山毓兩山鬪削翠磷磴各秀芙蓉三十六七十二峯

相望開羽節雲旂時往來北招子晉緱岑鶴東戲軒
轅煉藥臺瑤函綠簡窺丹竅控鹿驟鸞發清嘯鍊骨
金精久益堅駐顏砂液常能少先生有弟文章雄芻
菁玉樹庭之中爲賦嵩高幾千仞崑巒天外來清風
余亦尋僊黃海口新乞丹還已盈九更探太室珠花
三歸向雲門爲君壽

送曹于道歸曹谿

于道來郎邑與余同假榻大中僧舍維時積
雨五月如秋時相與步郎水上眺大濤諸山

晚坐長堤覩皓月映波流光若練輒欣然意
會歸而篝燈夜語時莊時謔甚相適也把臂
三月馬首忽南別思愴然遂成四韻

曹家少年真繡虎下榻琳宮對揮塵綺思分來郎浦
霞鳴毫灑入濤峯雨濤峯風雨夏猶寒一夜淒其懷
故山好將此處長堤月歸去曹溪夢裏看

題畫

春谿瀾瀾春日斜春巖拂拂生蒼霞洞裏碧桃千樹
花下有金鼎燒丹砂只愁丹就人飛去桃花流水歸

黃文龍詩集
何處

二

畫橋處處維短篷
碧梧樹樹來清風
舍舟杖策探芙蓉
曲池飛閣遙相通
更待夜深還散髮
踏破一堤楊柳月

三

霜落寒汀野潦收
澄波遙帶白雲流
水檻江亭處處幽
可堪搖落青楓愁
扣舷一發滄浪曲
散入瀟湘萬竿綠

四

千峯雪色迷山家
峯峯盡作白蓮花
玉林萬樹相槎枒
濁醪傾盡何處賒
推篷舉杯醉瑤島
一呼夜半谿山曉

西溪古蕩看梅花

連巖十里兼脩竹
十里梅光出深綠
香流礧石百灣雲
雪湧溪樓幾村屋
野橋新溜碧潌潌
樹樹香光盡有聲
清宵更約西冷月
來結孤山處士盟

長春曲

分韻

雨香煙膩花帷熱黛綠騰紅春不歇款語微酣夜半
時燒燈同照並頭枝

黃山丹鼎圖

門對黃山無百里三十六峯門外倚軒轅伏火鼎猶
溫千丈石蓮金焰起素女來鞭赤玉龍霓旌翠葆照
丹峯自從乞得休糧訣餐到天壇第幾松

題南山圖

爲許司寇信孺賦

城陽仙室曾同宿絳節霓幢建虛谷丞相祠堂蘿薜
幽奎躔汞火宵光燭文孫載筆競春葩勝客詞雄盡

大家至今天女曾游處巖上猶飛五色花佳會亾何
三十年鳴珂帝里隔風煙倦游神武冠初挂芒屨依
然踏碧巔龍池珠樹含朝采兩翁遊戲千秋在靈葦
神魚幻舊觀林猿洞鶴遙相待君不聞老仙言金漿
與玉醴只與山中許道士不與人間許長史道眼觀
凡相倍屣君今已罷右軍鈴兼辭爽鳩理望仙歸和
青蓮李兩翁拍手應同喜余亦棲遲黃海涖叱石爲
羊狡獪耳與君偕借擔頭瓢醉沾仍問高陽里飛神
何處往來頻仙都樓閣三天子

早春雪夜程凝之閣中聽青枝瑤枝度曲
一縷空青無處止細剪梅風落齒耳吹入茶煙裊裊
輕勻歸竹霰纍纍似酒狂滿坐高譚天倏焉寂聽如
枯禪華屏十日松底卧風絃雪溜真淒然瑤琯新簧
未停注睂光薄寫籠春霧十三十二初慙癡雙枝雙
豔齊纖素柳香花韻將嬾人新聲防惹新鶯妬

清明柳

柳額黃舒怪舞力春絲萬縷情如織似暖猶寒蘸雨
天曉鶯喚出賣花船落花滿棹東風起亂捲長條拂

江水隔江人唱望江南撩雨撩烟態漸慙嬾殺行人
三月三

雨嘆

獨漉獨漉泥水濁兩兩禽呼泥滑滑公無乘車折重
較獨漉獨漉君莫歌車顛雨急行奈何高樓富兒夜
燒燭捲簾看雨歡未足猶罵春波欠深綠

吳翁輯正韻書成年適七十詩以壽之

古者六書師鳥跡直抉鴻濛雙眼闢使非點畫通精
靈何以書成令鬼泣丈人辯字七十年偏旁聲象還

其原好從蚪蚪闕河洛一問庖羲未畫前

許信孺華屏齋中芝生五本重臺並蒂五色陸

離諸君賦之嗣作

華底五色竒騰爲五雲姿五雲騰未散秀出林間芝
怪來雪裏生光怪彫盤五色紛如繪重臺連理寧虛
呈靈枝駢瑞應有神蘭臺金匱傳先業鼎閣台光夜
轉明

海鶴篇

神山恍惚隨風變十二瓊樓不可見波濤吞吐飛雲

霰西來一鶴崑崙巔雪衣千年幻作玄廻翔萬里盤
紫烟下有桃樹何輪囷根蟠百尺瑤池濱碧花一放
三千春纍纍之實大如斗東隣小兒曾竊否海鶴銜
來爲君壽

正月十日綠雲堂坐雪荅信孺

入春十日華屏白飛片攢枝旋添色一編一軸坐較
清千林千嶂光爭射難得素心吾與君相關澹韻梅
兼石悠然領取不煩言存此堅寒付松骨

醉歌

何哉山人欲鍊形。膾芝糜朮殊無靈。軀如雀。髮如
翎。寧如飲客心。冥冥世情有耳。不以聽終年。但醉不
肯醒。心空刹那如千齡。我有郅支馬。肝石爲汝再拂
霜鬚青。

山中荅客嘲

山中雲嬾不出山。獨與山人爲嬾友。巖風時亦與俱
來。并挾飛泉聲入牖。香光澹澹不狂馳。疎溜琤琤寧
暴吼。無心寂默以周旋。自非草草能消受。雲亦翩然
避世人。時露巖頭倏無有。客來傲兀仰頭看。不識真
能見雲否。

萱栢五石圖詩壽吳母

五色之石能補天。鍊之何有于長年。千秋貞栢鬱相
倚。歲寒霜霰逾蒼然。下有靈萱燁如繡。瑤芝並挾攢
三秀。令子能窺秘簡書。自篆丹經爲母壽。

巳巳臘後史社集太函望黃山積雪共賦七言

古

讀史不獨觀興替。欲援往事規今勢。坐有吉甫文武
材。九丘八索毗經濟。城頭白照天都雪。丹鼎丹霞互

明滅酒間片語亦千秋光分出匣芙蓉鐵函三司馬
古爲友立言立功兼不朽南籌閩海北籌邊磨崖鉅
筆猶龍吼忽傳羶馬蹋關塵塵底森森露甲兵但使
肯斫金匱秘始知韓范只書生

時共約
讀宋史

寫琅玕菊石爲某人壽

遙從群玉山移此一拳石繞以黃金枝上挺琅玕碧
不可一日無此君况結千年青鳥實爲君寫就拂雲
姿片石寒香永無斲

